



Universitätsbibliothek Paderborn

Instructio practica ...

De Conversatione Apostolica - A Curatoribus Animarum piè & fructuosè instituenda ; Complectens varios & solidos modos juvandi & consolandi diversorum Statuum Personas afflictas, præcipuè aegras & captivas ...

Lohner, Tobias

Dilingæ, 1680

Memb. IV. Quâ ratione actus spei eliciendi sint.

[urn:nbn:de:hbz:466:1-49274](https://nbn-resolving.org/urn:nbn:de:hbz:466:1-49274)

aut alia imagine, quam possit venerari, osculari, amplecti, & super caput suum, aut pectus ponere dicendo, v. g. Adoro te Christe, qui per sanctam Crucem tuam redemisti mundum; qui natus, crucifixus, sepultus es pro me, miserere mei.

IV. Per modum gratiarum actionis, dicendo: v. gr. Gratias ago tibi, ô SS. Trinitas, quod me Christianum, & Catholicæ Ecclesiæ tuæ membrum feceris, quod mihi fidem dederis, quâ te agnoscerem: & sic per potiores fidei articulos progrediendo.

V. Aliquando exercendi sunt proprii actus fidei dicendo: v. g. Credo Domine, quod sis Unus in essentia & Trinus in Personis, quia tu, DEUS meus, summè verax, & prima veritas hoc revelasti: quod sis infinitus in tua essentia, & sapientia, bonitate &c. Credo Domine, sed adjuva incredulitatem meam, & adauge mihi fidem. Scio, quod Redemptor meus vivit, & in novissimo die de terra surrecturus sum; & rursum circumdabor pelle mea, & in carne mea videbo DEUM Salvatorem meum.

VI. Per modum ponderationis, dicendo, v. g. Ecce mihi Charissimè, credis in DEUM Patrem Omnipotentem; memor ergo esto, qualem Patrem nactus sis; nimirum talem, qui non corpus duntaxat, sed etiam animam dedit; qui tam paternè te usque ad hanc horam nutrit, & conservavit; qui talem tibi hereditatem in cœlis præparavit. Et en jam obviis ulnis te expectat in patria; age, propera in amplexus Patris charissimi, & si cum prodigo filio dissipasti bona tua, procide ad pedes ejus, & dic: Pater peccavi in cœlum, & coram te, & jam non sum dignus nominari filius tuus, Fac me unum de mercenarijs tuis.

M E M B R U M IV.

Quâ ratione actus spei eliciendi sint.

I. **H**æc excitanda est circa res omnes, quæ sunt ejus materia, scilicet circa veniam peccatorum, gratiam Dei, & vir-

Q 4

& vir-

& virtutes, donum perseverantiæ, & coronam gloriæ; In-
dari autem potest in varijs titulis. 1. Eò quòd Deus sit
eius gloria est, ignoscere, & salvare: Propter nomen
Domine, propitiaberis peccato meo, multum
est enim. 1. Propter bonitatem & misericordiam
Salvum me fecit, quia voluit me. 3. Quia promissum
daturum, quidquid ab eo petetur: Petite, & accipietis
pulsate, & aperietur vobis. 4. Quia pignus dedit
finitum: Qui enim proprio Filio suo non peperit
sed pro nobis omnibus tradidit illum, quomodo non
omnia nobis cum illo donabit? 5. Quia novit imbecillitatem
nostram. Quomodo enim miseretur filiorum
sic misertus est omnibus timentibus eum. Quoniam
ipse cognovit figmentum nostrum, recordatus est
quoniam pulvis sumus. 6. Quia ipse invitat nos: Venite
ad me omnes, qui laboratis, & onerati estis, & ego
reficiam vos. Et jam hoc ipsum actu in multis milibus
peccatorum præstitit, Nemo enim in eo speravit, &
confusus est. 7. Potentia & Charitas tot Advocatorum
Christi scilicet, B. Virginis, & omnium Sanctorum Patrono-
rum. Dicat ergo audacter infirmus: Quare tristis es Anima
mea, & quare conturbas me? Spera in DEO
quoniam adhuc confitebor ei, salutare vultus mei
& Deus, meus. In te Domine speravi, non confundar
in æternum: etiamsi occiderit me, in ipso sperabo.
Mihi adherere Deo meo bonum est, & ponere
in Domino Deo spem meam. Domine miserere nostri,
te enim expectavimus, esto brachium nostrum
in mane, & salus nostra in tempore tribulationis
Pars mea Dominus, dixit Anima mea, propterea
spectabo eum. Bonus est Dominus sperantibus in
illum, animæ quærenti illum.

Ad hos & similes actus eliciendos proderit, si Operarius etc.

quandoque per sententiam aliquam ex S. Scriptura excitet, dicendo v. g. Expectate Dominum, viriliter agite, qui timeris Dominum, sperate in illum, & in oblectationem veniet vobis misericordia. Benedictus vir, qui confidit in Domino, & erit Dominus fiducia ejus: sperantem in Domino misericordia circumdabit. Qui sperat in Domino, salvabitur. Bonus Dominus, & confortans in die tribulationis, & sciens sperantes in se. In silentio & spe erit fortitudo vestra. Qui fiduciam habet mei, hæreditabit terram, & possidebit montem sanctum meum.

Præcipue tamen monendus est, ut circa beatitudinem æternam, tanquã circa primum spei objectum, varios actus eliciat æger. v. g. Spero Domine, mihi remissum iri peccata mea, & vitam datum iri æternam per merita tua infinita, quia verè bonus, potens, & misericors, & fidelis es in promissis. Aliquando quidem per modum desiderij ad eam aspirando v. g. Quemadmodum desiderat cervus ad fontes aquarum, ita desiderat Anima mea ad Deum fontem vivum, quando veniam, & apparebo ante faciem tuam? Quam dilecta tabernacula tua, Domine virtutum, concupiscit, & deficit Anima mea in atria Domini. Domine quid mihi est in cælo, & à te quid volui super terram? Defecit caro mea, & cor meum. Deus cordis, mei, & pars mea Deus in æternum. Heu mihi! quia incolatus meus prolongatus est. Cupio dissolvi, & esse cum Christo. O quàm sorder mihi terra, cum cælum (mente) aspicio &c.

Aliquando per modum petitionis spes patriæ cælestis elici potest dicendo, v. g. Educ de custodia Animam meam ad confitendum nomini tuo. Domine Deus virtutum converte nos, ostende faciem tuam, & salvi erimus.

Q

mus.

mus. Aliquando per modum gaudij spes elici potest, v. g. Lætatus sum in his, quæ dicta sunt mihi, in domum Domini ibimus. Stantes erant pedes nostri in atriis tuis Jerusalem.

Aliquando per modum admirationis dicendo: Quam dilecta tabernacula tua Domine virtutum. Beati, qui habitant in domo tua, Domine, in sæcula sæculorum laudabunt te.

Ut autem hoc desiderium tantò vehementiùs exciteretur aegro, proderit, si Sacerdos ei magnitudinem cælestis beatitudinis paulò clariùs demonstret, ostendendo, quod ibi Deus absterget omnem lacrymam ab oculis Sanctorum, neque alius ampliùs luctus & dolor sit reperiendus; quòd inebrians sint ab ubertate domus Dei, & torrente voluptatis potantur, quòd talia gaudia percepturi, quæ nec oculus vidit, nec auris audivit, nec in cor hominis descenderunt. Quæ ipsa poterunt exemplis confirmari, v. g. illius, qui 200. annis emansit, putans se unico tantum cibo convivij cælestis per quadrantem interfuisse. Item illius, qui imaginari sibi non potens, quomodo coram Domino mille anni forent, sicut dicitur hesternus, quæ præterijt, seductus ab aviculæ cantu 300. annis emanavit, uti Joan. Major in Spec. Exempl. V. cæl. gloria ex. 8. & 9. narrat. Ne verò tam facillè omittat hæc desideria, proderit ex Bloisio c. 13. Monil. spirit. narrasse, quòd B. Virginis S. Brigittæ pro quodam Eremita oranti dixit, scilicet non detineri in purgatorio desiderij, eò quòd in morte perfectum desiderium perringendi ad præsentiam Dei, ejusque visionem non habuerit.

MEMBRUM V.

Quâ ratione actus Charitatis exercendi sint.

I. **A**D hanc exercendam peculiari studio excitari aegrum conabitur, ut dicere de ipso infirmo Christus in judicio possit: remittuntur ei peccata multa, quoniam dilexit multum. Quem in finem primò ei motiva aliqua amoris proponat, qualia sunt. 1. Bonitas illius; si ergo tantopere dilexit aeger uxorem, vel liberos, vel alium hominem, creaturam, quantò magis diligere oportet Deum, qui infirmum